

nigro-pubescentibus, membrana cum areolis magis minusve obscure nigricanti-fumata, venis connectente et cubitali albidis, brachiali fuscescente, macula parva hyalina inter apicem cunei et areolam minorem; capite basi pronoti paullo minus quam $\frac{1}{4}$ (σ) vel $\frac{1}{3}$ (φ) angustiore, vertice oculo fere duplo (σ) vel parum minus quam triplo (φ) latiore; oculis leviter granulatis; antennis articulo secundo latitudine capitis parum (σ) vel paullulum (φ) longiore, tota latitudine sat incrassato, feminae gracili; tibiis albidis spinulis nigris e punctis distinctissimis nigris nascentibus. Long. $2\frac{2}{5}$ — $2\frac{3}{5}$ mm.

Hab. in Turkestan (Farab! ad Amu Daria d. 28 julii), D. Prof. J. Sahlberg.

Descr.: *T. brevicorni* Reut. affinis, mox autem tibiis nigropunctatis distingvenda. Corpus superne albido-virens vel virescenti-albidum, albo-pubescentes. Caput interdum in viridi-flavescentem vergens. Oculi fusci, mediocres, sat prominentes (σ) vel parvuli (φ). Rostrum apicem coxarum intermedianarum attingens, apice nigro. Antennae virescenti-lutescentes, dimidio corpore cum hemielytris parum longiores, articulo secundo basi pronoti saltem $\frac{1}{4}$ (σ) vel $\frac{1}{3}$ (φ) breviore, tertio secundo paullo (σ) vel fere $\frac{1}{4}$ (φ) breviore, quarto tertio $\frac{3}{7}$ —fere duplo breviore. Pronotum basi longitudine saltem duplo (φ) vel fere duplo (σ) latiore, apice longitudini paullo (σ) vel distincte (φ) latiore, lateribus rectis, callis saepe ochraceis. Corpus inferne pallide virescentes, ventre longius albo-pubescente. Femora albido-virescentia, postica inferne atomis perpaucis vix distingvendis dilute fuscescentibus. Tarsi pallidi, articulo ultimo apice nigro.

28. *Tuponia suturalis* Reut.

Diagn.: Angustulus, inferne dilute virescentes, superne virescenti-albicans, tenuiter albo-pubescentes, hemielytris adhuc longius nigro-pubescentibus, pilis facile divellendis, scutello colore variabili, saepe magis minusve nigro-signato;